



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Khamis, 29 Disember 2022

1.	Sistem reban tertutup atasi masalah lalat
2.	Penternakan rugi RM3.47 juta
3.	Telur tetap tidak cukup walaupun import - Mydin
4.	Lebih 43,000 ekor ternakan mati akibat banjir di terengganu
5.	Telur import atau tempatan, apa pilihan pengguna
6.	Kos telur import tinggi, untung kedai mamak terjejas
7.	Harga siling telur tempatan rendah berbanding Thailand, Indonesia

DISEDIAKAN OLEH:

**UNIT KOMUNIKASI KORPORAT
JABATAN PERKHIDMATAN VETERINAR MALAYSIA**

TARIKH	MEDIA	RUANGAN	MUKA SURAT
29.12.2022	Kosmo!	Negara!	8

Sistem Reban Tertutup atasi masalah lalat

IPOH – Kerajaan negeri melalui Jabatan Perkhidmatan Veterinar (JPV) akan menguatkuaskan Sistem Reban Tertutup bagi mengatasi isu lalat yang menyebabkan ketidakselesaan kepada penduduk.

Pengerusi Jawatankuasa Pembangunan Luar Bandar, Perladangan, Pertanian dan Industri Makanan, Datuk Mohd. Zolkafly Harun berkata, sistem tersebut akan dikuatkuasakan pada 1 Januari 2026.

"Semua pengusaha unggas di Perak diminta menuju ke arah Sistem Reban Tertutup yang akan dikuatkuasakan pada 1 Januari 2026.

"Penguatkuasaan itu adalah lanjutan daripada keputusan Majlis Mesyuarat Kerajaan (MMK) negeri bertarikh 8 Jun 2022 sebagai salah satu langkah untuk mengatasi isu kacau ganggu lalat," katanya.

Beliau berkata demikian ketika menjawab soalan lisan Muhammad Faisal Abdul Rahman (Pas-Trong) pada Persidangan

**SIDANG
DUN
PERAK**



Dewan Undangan Negeri (DUN) Perak di sini semalam.

Menurut beliau, kerajaan negeri melalui JPV juga telah mengambil inisiatif untuk mengatasi masalah kacau ganggu lalat dengan penguatkuasaan Enakmen Perladangan Unggas-Negeri Perak 2005 dan Peraturan-Peraturan Pengawalan Perladangan Unggas (Lesen) 2010.

Malah katanya, antara tindakan yang diambil oleh agensi itu adalah dengan meningkatkan kekerapan pemantauan di kawasan aduan dan dikenakan kompaun kepada ladang perternakan ayam dan itik yang tidak mematuhi syarat-syarat di bawah enakmen tersebut.



SISTEM Reban Tertutup menjadi alternatif kepada masalah lalat dihadapi penduduk yang tinggal bermapiran ladang ternakan ayam.

TARIKH	MEDIA	RUANGAN	MUKA SURAT
29.12.2022	Kosmo!	Negara!	14



Banjir Musim Tengkujuh

43,789 haiwan ternakan mati akibat banjir di Terengganu

Penternakan rugi RM3.47 juta

Oleh KAMALIZA KAMARUDDIN

KUALA TERENGGANU – Sektor penternakan di Terengganu merekodkan kerugian lebih RM3.47 juta apabila 43,789 ekor haiwan ternakan mati akibat banjir buruk melanda negeri ini baru-baru ini.

Pengarah Jabatan Perkhidmatan Veterinar (JPV) Terengganu, Dr. Anum Man berkata, selain kematian ternakan, pelbagai infrastruktur milik penternak termasuk kandang serta peralatan lain turut dilaporkan rosak akibat bencana berkenaan.

Beliau berkata, ternakan ayam merekodkan jumlah kematian tertinggi iaitu sebanyak 37,612 ekor diikuti puyuh (4,000), itik (1,442), lembu (502), kambing (142), biri-biri (64), kerbau (20) dan rusa (tujuh).

"Sehingga kini, JPV negeri telah menerima sebanyak 712 laporan daripada penternak berhubung kerugian yang dialami.

"Daerah yang paling teruk terjejas ialah Besut diikuti Setiu dan Kemaman. Kita menasihatkan semua penternak terjejas agar tampil segera membuat laporan bagi membolehkan penilaian kerugian boleh dibuat," katanya ketika dihubungi Kosmo! semalam.

Anum berkata, antara punca kematian semua haiwan ternakan itu ialah kandang ditenggelami air, dihanyutkan arus deras dan kesejukan melampau akibat hujan berterusan.

"Ramai penternak mengakui mereka tidak menyangka akan mengalami kerugian begitu besar berbanding tahun-tahun sebelum ini.

"Paras air sangat tinggi dan naik dalam masa yang singkat menyebabkan ramai penternak



SEBAHAGIAN halwan ternakan yang mati akibat banjir di Terengganu baru-baru ini.

tidak sempat menyelamatkan haiwan ternakan mereka," katanya.

Anum berkata, banjir yang berlaku sejak 17 Disember lalu turut menjelaskan 365,600 ekor ternakan lembu, kerbau, kambing, biri-biri, ayam, itik, puyuh dan rusa di seluruh negeri ini.



TARIKH	MEDIA	RUANGAN	MUKA SURAT
29.12.2022	Kosmo!	Negara!	16

Telur tetap tidak cukup walaupun import – Mydin

SEREMBAN – Jualan telur di rangkaian pasar raya besar Mydin hanya mencapai 640,000 biji sebulan berkurang hampir separuh, berikutan krisis kekurangan telur ayam di pasaran tempatan sejak tiga bulan lalu.

Pengarah Eksekutif Mydin Mohamed Holdings Berhad (Mydin), Ahimmat Mydin berkata, walaupun telur import telah dibenarkan, namun ia masih tidak dapat menampung keperluan pengguna berbanding jualan 1.6 juta biji telur sebulan pada waktu normal.

"Kita sudah terima telur import dari India, tetapi masih tidak cukup. Semestinya pengguna lebih memilih telur tempatan berbanding yang diimport."

"Dari segi keuntungan, lebih kurang sama apabila harga telur import gred C dijual pada harga 50 sen sebiji, manakala telur Gred C tempatan dijual pada harga 41 sen sebiji," katanya pada sidang akhir di sini semalam.

Beliau ditemui selepas Program Jelajah Generasi Pintar @ Mydin Prihatin dengan memberi bantuan keperluan sekolah kepada murid kurang berkemampuan di Mydin Seremban 2 di sini semalam.

Jelas Ahimmat, pengimporan telur perlu mengambil kira kos pengangkutan, selain risiko mudah pecah ketika dibawa masuk ke negara ini.

"Bagaimanapun, dengan kemasukan telur import dan dasar ekonomi terbuka, bekalan telur dijangka kembali stabil dalam tempoh dua ke tiga bulan lagi.

"Harga barang boleh diturunkan sekiranya import dibenarkan dengan menggunakan teori semakin banyak barang, maka kos harga dapat dikurangkan," katanya.

Ahimmat memberitahu, perkara itu dapat menggalak usaha kerajaan untuk turunkan harga barang, sekali gus menyumbang kepada pendapatan negara menerusi cukai import.



SEJAK krisis telur bermula, pengguna sukar untuk mendapatkan bahan makanan itu untuk kegunaan harian. – GAMBAR HIASAN

TARIKH	MEDIA	RUANGAN	MUKA SURAT
29.12.2022	Sinar Harian	Nasional	13

SINAR HARIAN - KHAMIS 29 DISEMBER 2022

BENCANA BANJIR

NASIONAL | 13

Lebih 43,000 ekor ternakan mati akibat banjir di Terengganu



Antara kambing yang mati akibat banjir di Terengganu.

KUALA TERENGGANU – Bencana banjir yang melanda Terengganu bermula minggu lalu menyebabkan sektor penternakan kerugian lebih RM3.47 juta akibat kematian ternakan, kerosakan kandang, pagar dan peralatan.

Pengarah Jabatan Perkhidmatan Veterinar (JPV) Terengganu, Dr Anun Man berkata, sebanyak 43,789 ekor lembu, kerbau, kambing, biri-biri, ayam, itik, puyuh dan rusa dilaporkan mati dalam bencana tersebut.

Menurutnya, ternakan ayam merekodkan jumlah kematian paling tinggi iaitu sebanyak 37,612 ekor diikuti puyuh (4,000), itik (1,442), lem-

bu (502), kambing (142), biri-biri (64), kerbau (20) dan rusa (7).

"Setakat Ahad, kita sudah menerima sebanyak 712 laporan aduan yang melibatkan sektor ternakan dan dari padah jumlah itu, Besut merekodkan kes paling tinggi berikutan dilanda banjir besar diikuti Setiu dan Kemaman.

"Kita tidak menolak kemungkinan berlaku peningkatan kes kerana masih ada penternak yang belum membuat laporan secara rasmi kepada JPV," katanya pada Rabu.

Dr Anun berkata, kebanyakannya haiwan tersebut dilaporkan mati akibat ditenggelami banjir, dihanyutkan

arus deras dan kesejukan selepas tidak sempat diselamatkan susulan air naik secara mendadak.

Jelajah beliau, selain kematian, banjir yang berlaku di Terengganu kerana fenomena Monsun Timur Laut turut menjelaskan 365,600 ekor ternakan lembu, kerbau, kambing, biri-biri, ayam, itik, puyuh dan rusa di seluruh negeri.

"Pejabat Perkhidmatan Veterinar Daerah masih mengumpul data jumlah ternakan terjejas banjir dan kita minta penternak terlibat membuat aduan bagi membolehkan tindakan sejawarnya diambil," jelasnya.

TARIKH	MEDIA	RUANGAN	MUKA SURAT
29.12.2022	Utusan Malaysia	Dalam Negeri	7

UTUSAN MALAYSIA
KHAMIS • 29 DISEMBER 2022

Dalam Negeri

7

Telur import atau tempatan, apa pilihan pengguna?

Oleh SAFINA RAMLI dan MOHAMAD NAUFAL MOHAMAD IDRIS
utusannews@mediamulia.com.my

SHAH ALAM: Para pengguna masih berkiranya sama ada mahu membeli telur ayam tempatan yang harganya lebih mahal atau telur import yang masih dikehati kualiti dan keselamatannya.

Seorang pengguna, Nor Hasmah Ismail, 39, berkata, dia mengaku kualiti telur import berbanding tempatan berdasarkan tahap kebersihan, rasa serta ketahanannya dan rela mendapatkan telur tempatan yang lebih mahal.

"Kejuarga kami tidak pernah guna telur import, berpun luh tahun guna telur tempatan. Jadi, memang sudah biasa makan telur tempatan, walaupun bukan setiap hari. Kami bimbang apabila guna telur import, rasanya berbeza, takut tidak sedap dan risau juga rasa masakanya akan berubah."

"Jadi, buat masa ini saya fikir lebih baik beli telur omega, walaupun harganya sedikit lebih mahal, tetapi kita tahu kualiti, tahap kebersihan dan rasa. Tidak banyak berbeza dengan telur biasa," katanya ketika ditemui *Utusan Malaysia*.

Bagaimanapun, berbeza pula bagi seorang lagi pengguna, Hussin Ali, 40, apabila memak-



PEMBORONG dan pembekal telur ayam di sekitar Georgetown, Pulau Pinang masih menjual telur ayam tempatan kerana belum mendapat bekalan telur ayam import.

lumkan dia lebih rela menggantung telur import jika harganya lebih murah.

"Telur boleh dikatakan menjadi lauk rutin keluarga kami, kalau tidak jadi menu utama pun ia akan jadi menu sampingan supaya ada pilihan untuk anak-anak makan sekurang-kurangnya sebijik sehari."

"Cuma masalah sekarang adalah bekalan telur yang murah susah dapat. Saya tidak tahu apa masalah yang berlaku dalam rantai perniagaan telur, tetapi

kalau ada telur import yang harganya lebih mahal pun tak guna juga kerajaan benarkan import. Tetapi, saya harap masalah ini tidak berlarutan sampai tahun depan," ujarnya.

Dalam tinjauan di sekitar bandar rayu ini, bekalan telur dalam peket ekonomi iaitu 30 biji sepasaran bagi gred A dan B masih sukar untuk diperoleh berbanding C yang dijual sekitar RM16 hingga RM18 sepasaran.

Bagaimanapun, stok bagi Gred C pula kuantititi tidak

banyak dan hanya terdapat di sesetengah pasar raya sahaja berbanding kedai runcit dan pasar awam.

Namun, telur import seperti diuar-uar kan sebelum ini masih belum kelebihan dekat rak-rak barang di pasar raya kecuali stok tempatan seperti telur organik dan omega dalam peket 10 dan 15 biji.

Sementara itu di PULAU PINANG: Pemborong dan pembekal telur ayam di sekitar pusat bandar di sini masih belum menerima bekalan telur ayam impor buat masa ini.

Kebanyakan mereka masih bergantung pada bekalan telur ayam tempatan walaupun berdepan dengan masalah kekurangan bekalan telur ayam segar.

Seorang pemborong dan pembekal telur ayam, Faisal Sidek berkata, dia tidak menolak kemungkinan untuk mendapatkan telur impor bagi menampung permintaan pengguna.

"Telur ayam tempatan bagi semua gred masih mengalami kekurangan dan kami berharap bekalan telur ayam akan segera pulih bagi menampung permintaan pengguna," katanya kepada *Utusan Malaysia*.

Menurutnya, bekalan telur dihantar kepada pihaknya sebanyak tiga kali seminggu, namun masih belum mencukupi.

Harga siling telur tempatan rendah berbanding Thailand, Indonesia

PETALING JAYA: Kerajaan dan rakyat perlu menerima hakikat bahawa harga siling telur ayam dalam negara sangat rendah jika dibandingkan dengan negara-negara di rantau Asia Tenggara terutamanya Thailand dan Indonesia.

Patar ternakan ayam yang juga bekas penyara Sains Hawian, Fakulti Pertanian, Universiti Putra Malaysia (UPM), Dr. Azhar Kasim berkata, harga telur ayam bagi gred B di Thailand adalah 47 sen sebijik berbanding 43 sen sebijik di Malaysia.

Dalam masa sama, menurutnya, harga telur ayam bagi gred B di Indonesia pula telah meningkat lagi kepada RM8.82 sekilogram sempena hari Natal dan menjelang tahun baru 2023 berbanding di Malaysia cuma RM6.88 sekilogram.

"Andaia keleluhan penternak ayam mengenai kos produksi telur itu benar, maka jika harga telur ayam diunjurkan naik sebanyak lima sen iaitu kepada harga 48 sen sebijik bagi gred B bersamaan RM7.68 sekilogram sekilogram, ia masih tergolong sebagai sumber protein haiwan paling murah.

"Langkah menaikkan harga telur sebanyak lima sen sebijik akan beri impak besar dalam jangka masa panjang dalam industri ternakan ayam sekali gus meningkatkan bekalan telur dalam negara dan rakyat akan dapat melihat hasilnya dalam lima, enam bulan," katanya ketika dihubungi *Utusan Malaysia*.

Terdahulu, sumber industri telur ayam menggesa kerajaan tidak menerima cadangan menaikkan harga telur kerana bukan hanya menjasakan imej kerajaan, tetapi bakal memberi kesan jangka panjang terhadap kebajikan rakyat.

Kos telur import tinggi, untung kedai mamak terjejas

PETALING JAYA: Peruncit dan pengedar telur ayam berdepan tiga risiko menjual telur ayam yang diimport dari India yang sudah memasuki pasaran pada 16 Disember lalu.

Bercakap kepada *Utusan Malaysia*, Pengarah Urusan Mydin Mohamed Holdings Bhd., Datuk Amerie Ali Mydin berkata, tiga masalah itu ialah harga lebih mahal, perlunya menyediakan penutup telur dan risiko telur pecah yang tidak boleh diganti.

"Bercakap soal margin keuntungan menjual telur import ini, margin masih sama. Tapi kos telur import ini lebih mahal.

"Pertama, kos import itu sendiri. Kedua, telur import ini perlu dimasukkan dalam kontena khas lengkap dengan peti sejuk khas. Mana boleh



AMEER ALI MYDIN

masuk kontena biasa. Maka, ini meningkatkan kos logistik dan ketiga peruncit terpaksa menyediakan penutup khas bagi telur dari India, kerana pembekal tidak menyediakannya," katanya.

ya ketika dihubungi.

Menurut beliau, meskipun telur import dijual pada harga RM15 sepasaran untuk 30 biji, namun peruncit juga berdepan risiko telur yang pecah dan tidak boleh dipulangkan semula kepada pihak pembekal.

"Di Mydin, kita memang jual RM15 satu papan telur import dari India. Ini termasuk kos penutup itu yang kita kena tanggung. Kemudian, telur dari India ini juga membabitkan kos mengendalikan yang tinggi.

"Maksudnya, telur ini baharuan mudah pecah. Kalau telur tempatan, apabila kita beli tapis ia pecah atau jatuh, kita boleh hantar semula kepada pembekal. Tapi, kalau telur import, mahu hantar balik ke India mana boleh," katanya.

Oleh itu, Amerie mencadangkan kerajaan mempertimbangkan langkah mengapungkan harga telur bagi menstabilkan semula bekalan tempatan dan bantu perburuan bersangkutan kepada penternak.

Sementara itu, Presiden Persatuan Pengusaha Restoran Muslim Malaysia (Presma), Datuk Jawahar Ali Taib Khan sewaktu dihubungi berkata, restoran-restoran mamak di seluruh negara terpaksa menyertai kos telur import yang tinggi tanpa menaikkan harga makanan.

"Kita tidak boleh jadi jadikan alasan untuk menaikkan harga makanan sebab yang tertekan nanti adalah pengguna, rata-rata pelanggan restoran mamak adalah kumpulan B40 dan M40," katanya.